



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏ

Ո Ր Ո Շ ՈՒ Մ

ՎԱՐՈՒՅԹԻ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

22 հունվարի 2025 թվական

ք.Երևան

Հայաստանի Հանրապետության Վճռաբեկ դատարանի քրեական պալատը,

նախագահությամբ՝  
մասնակցությամբ դատավորներ՝

Հ.ԱՍԱՏՐՅԱՆԻ  
Ս.ԱՎԵՏԻՍՅԱՆԻ  
Հ.ԳՐԻԳՈՐՅԱՆԻ  
Լ.ԹԱԴԵՎՈՍՅԱՆԻ  
Ա.ՊՈՂՈՍՅԱՆԻ

ուսումնասիրելով թիվ ԱՎԴ4/0051/01/21 քրեական վարույթի տարածքային ընդդատության հարցը լուծելու համար Վճռաբեկ դատարանի քրեական պալատ ուղարկելու մասին Կոտայքի մարզի առաջին աստյանի ընդհանուր իրավասության դատարանի՝ 2025 թվականի հունվարի 13-ի որոշումը,

Պ Ա Ր Զ Ե Ց

**Վարույթի դատավարական նախապատմությունը.**

1. 2021 թվականի նոյեմբերի 2-ին Արարատի և Վայոց ձորի մարզերի առաջին աստյանի ընդհանուր իրավասության դատարանում ստացվել է թիվ 58229821

(ԱՎԴ4/0051/01/21) քրեական գործն ըստ մեղադրանքի՝ Խաժակ Սամվելի Թովմասյանի՝ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգրք) 34-268-րդ հոդվածի 3-րդ մասով և Հարություն Առաքելի Մուրադյանի՝ ՀՀ քրեական օրենսգրքի 38-34-268-րդ հոդվածի 3-րդ մասով:

2021 թվականի նոյեմբերի 8-ին թիվ ԱՎԴ4/0051/01/21 քրեական գործն ընդունվել է դատավոր Գ.Ստեփանյանի վարույթ և 2021 թվականի նոյեմբերի 12-ին որոշում է կայացվել դատական քննություն նշանակելու մասին:

1.1. 2024 թվականի ապրիլի 15-ին թիվ ԱՎԴ4/0051/01/21 քրեական գործը վերաբաշխվել է դատավոր Բ.Բախշիյանին և 2024 թվականի ապրիլի 23-ին որոշում է կայացվել քրեական գործի վարույթն ստանձնելու, այն նորից սկսելու և նախնական դատախուսներ նշանակելու մասին:

2. 2024 թվականի հուլիսի 11-ին թիվ ԱՎԴ4/0051/01/21 քրեական գործը վերաբաշխվել է դատավոր Հ.Պետրոսյանին և 2024 թվականի հուլիսի 15-ին ընդունվել է վարույթ:

Արարատի և Վայոց ձորի մարզերի առաջին ատյանի ընդհանուր իրավասության դատարանը 2024 թվականի հուլիսի 25-ին որոշում է կայացրել թիվ ԱՎԴ4/0051/01/21 քրեական գործի քննությունը վերսկսելու և դատական նիստ նշանակելու մասին:

3. Արարատի և Վայոց ձորի մարզերի առաջին ատյանի ընդհանուր իրավասության դատարանը 2024 թվականի դեկտեմբերի 16-ին որոշում է կայացրել թիվ ԱՎԴ4/0051/01/21 քրեական գործի տարածքային ընդդատությունը փոխելու և այն Կոտայքի մարզի առաջին ատյանի ընդհանուր իրավասության դատարան ուղարկելու մասին:

4. Կոտայքի մարզի առաջին ատյանի ընդհանուր իրավասության դատարանը 2025 թվականի հունվարի 13-ին որոշում է կայացրել թիվ ԱՎԴ4/0051/01/21 քրեական վարույթը Վճռաբեկ դատարանի քրեական պալատ ուղարկելու մասին՝ ընդդատության հարցը լուծելու համար:

5. Քրեական վարույթը Վճռաբեկ դատարանում ստացվել է 2025 թվականի հունվարի 17-ին:

**Ընդդատության վերաբերյալ հարցը լուծելու համար Էական նշանակություն ունեցող փաստական հանգամանքները.**

6. Խաժակ Սամվելի Թովմասյանը ՀՀ քրեական օրենսգրքի 34-268-րդ հոդվածի 3-րդ մասով ներգրավվել է որպես մեղադրյալ և նրան մեղադրանք է առաջադրվել այն բանի համար, որ «նա փորձել է Հարություն Մուրադյանի օժանդակությամբ առանց իրացնելու նպատակի ապօրինի ձեռք բերել առանձնապես խոշոր չափերով՝ 293,23 գրամ քաշով հաշիշ տեսակի թմրամիջոցներ:

Այսպես.

Հրազդան քաղաքի բնակիչ Խաժակ Թովմասյանը, խախտելով «Թմրամիջոցների և հոգեմեղման նյութերի մասին» ՀՀ օրենքի 11-րդ հոդվածի 2-րդ կետի, ՀՀ կառավարության 2010 թվականի մարտի 18-ի թիվ 270-Ն որոշման պահանջները, այն է՝ չունենալով բժշկական նպատակներով կամ բժշկի նշանակմամբ թմրամիջոցների շրջանառություն իրականացնելու՝ թմրամիջոց ձեռք բերելու, փոխադրելու և պահելու թույլտվություն, առանց իրացնելու նպատակի առանձնապես խոշոր չափերով թմրամիջոցներ ձեռք բերելու դիտարկություններ 2021 թվականի հունիսի 21-ին տարբու վարորդ Հարություն Մուրադյանին պատվիրել է «ՎԱԶ 2115» մակնիշի, 35 NX 838 համարանիշի ավտոմեքենայով մեկնել հայ-իրանական սահմանի մոտ, սրանալ իր ծանոթ պարսիկ Ֆիրուզ Ղաֆֆարիի կազմակերպմամբ Իրանի Իսլամական Հանրապետությունից մաքսանենգությամբ Հայաստանի Հանրապետություն ներկրվող առանձնապես խոշոր չափերով թմրամիջոցները, դրանք փոխադրել Հրազդան քաղաք և հանձնել իրեն: Նույն օրը Հարություն Մուրադյանը նշված ավտոմեքենայով մեկնել է Սյունիքի մարզ՝ Խաժակ Թովմասյանի տված հեռախոսահամարով կապ պահելով և թմրամիջոցի փոխանցման վերաբերյալ անհրաժեշտ պայմանավորվածություններ ձեռք բերելով հայ-իրանական սահմանի հարևանությամբ՝ իրանական կողմում գտնվող Ֆիրուզ Ղաֆֆարիի հետ:

Այնուհետք՝ 2021 թվականի հունիսի 22-ին՝ ժամը 7:00-ի սահմաններում, Հարություն Մուրադյանը հայ-իրանական սահմանի՝ Սյունիքի մարզի Ագարակ բնակավայրին հարող տարածքում քննությամբ չպարզված և Ֆիրուզ Ղաֆֆարիի կազմակերպմամբ ՀՀ պահպանվող պետական սահմանն իրանական կողմից Արաքս

գերն անցնելով սպորինի հարած անձից սահմանին գրնվող փշայարերի մյուս կողմից սրացել է մաքսանենգությանը ՀՀ տեղափոխված առանձնապես խոշոր չափերով՝ 449,73 գրամ քաշով մարիխուանա և առանձնապես խոշոր չափերով՝ 293,23 գրամ քաշով հաշիշ տեսակի թմրամիջոցներով փաթեթը: Դրանից անմիջապես հետո Հարություն Մուրադյանը թմրամիջոցները Խաժակ Թովմասյանին հանձնելու նպատակով ուղևորվել է Հրազդան քաղաք, սակայն վերջինս իր կամքից անկախ հանգամանքներով առանց իրացնելու նպատակի առանձնապես խոշոր չափերով թմրամիջոցների սպորինի ձեռք բերումն ավարտին չի հասցրել, քանի որ օժանդակող Հարություն Մուրադյանի գործողությունները չեն հաջողվել, և նա Եղեգնաձոր քաղաքում բռնվել է ՀՀ ԱԱԾ աշխատակիցների կողմից, ինչի արդյունքում նշված ավտոմեքենայի բեռնախցիկում հայտնաբերվել ու վերցվել են առանձնապես խոշոր չափերի թմրամիջոցները: (...)»<sup>1</sup>:

6.1. Հարություն Առաքելի Մուրադյանը ՀՀ քրեական օրենսգրքի 38-34-268-րդ հոդվածի 3-րդ մասով ներգրավվել է որպես մեղադրյալ և նրան մեղադրանք է առաջադրվել այն բանի համար, որ «նա փորձել է օժանդակել Խաժակ Թովմասյանի կողմից առանց իրացնելու նպատակի առանձնապես խոշոր չափերով՝ 293,23 գրամ քաշով հաշիշ տեսակի թմրամիջոցներ սպորինի ձեռք բերելուն:

Այսպես.

Հրազդան քաղաքի բնակիչ Խաժակ Թովմասյանն առանց իրացնելու նպատակի առանձնապես խոշոր չափերով թմրամիջոցներ ձեռք բերելու համար իր ծանոթ պարսիկ Ֆիրուզ Ղաֆֆարիի հետ նախապես ձեռք բերված պայմանավորվածության համաձայն՝ 2021 թվականի հունիսի 21-ին տաքսու վարորդ Հարություն Մուրադյանին պատվիրել է գումարի դիմաց «ՎԱԶ 2115» մակնիշի, 35NX838 համարանիշի ավտոմեքենայով մեկնել հայ-իրանական սահմանի մոտ, սրանսալ Ֆիրուզ Ղաֆֆարիի կազմակերպմամբ Իրանի Իսլամական Հանրապետությունից մաքսանենգությանը Հայաստանի Հանրապետություն ներկրվող առանձնապես խոշոր չափերով թմրամիջոցները, դրանք փոխադրել Հրազդան քաղաք և հանձնել իրեն:

<sup>1</sup> Տե՛ս քրեական վարույթ, հատոր 5, թերթեր 239-240:

Հարություն Մուրադյանը, խախտելով «Թմրամիջոցների և հոգեմեկտրային նյութերի մասին» ՀՀ օրենքի 11-րդ հոդվածի 2-րդ կետի, ՀՀ կառավարության 2010 թվականի մարտի 18-ի թիվ 270-Ն որոշման պահանջները, այն է՝ չունենալով բժշկական նպատակներով կամ բժշկի նշանակմամբ թմրամիջոցների շրջանառություն իրականացնելու՝ թմրամիջոց ձեռք բերելու, փոխադրելու և պահելու թույլտվություն, իր ծանոթ Խաժակ Թովմասյանի կողմից առանց իրացնելու նպատակի առանձնապես խոշոր չափերով թմրամիջոցներ ձեռք բերելուն օժանդակելու դիտարկումներով, շահույթ ստանալու շարժառիթով նույն օրը նշված ավերումներնայով մեկնել է Սյունիքի մարզ՝ Խաժակ Թովմասյանի տնային հեռախոսահամարով կապ պահելով և թմրամիջոցի փոխանցման վերաբերյալ անհրաժեշտ պայմանավորվածություններ ձեռք բերելով հայ-իրանական սահմանի հարևանությամբ՝ իրանական կողմում գտնվող Ֆիրուզ Ղաֆֆարիի հետ:

Այնուհետք՝ 2021 թվականի հունիսի 22-ին՝ ժամը 7:00-ի սահմաններում, Հարություն Մուրադյանը հայ-իրանական սահմանի՝ Սյունիքի մարզի Ագարակ բնակավայրին հարող տարածքում քննությամբ չպարզված և Ֆիրուզ Ղաֆֆարիի կազմակերպմամբ ՀՀ պահպանվող պետական սահմանն իրանական կողմից Արաքս գետն անցնելով սպորինի հարած անձից սահմանին գտնվող փշալարերի մյուս կողմից սրացել է մաքսանենգությամբ ՀՀ տեղափոխված առանձնապես խոշոր չափերով՝ 449,73 գրամ քաշով մարիխուանա և առանձնապես խոշոր չափերով՝ 293,23 գրամ քաշով հաշիշ տեսակի թմրամիջոցներով փաթեթ, որից անմիջապես հետո ուղևորվել է Հրազդան քաղաք, որպիսի պլանավորված գործողություններով՝ հանցագործության առարկան ձեռք բերելու համար իր տրանսպորտային միջոցը տրամադրելով, Կոտայքի մարզի Հրազդան քաղաքից Սյունիքի մարզ մեկնելով, հայ-իրանական սահմանից թմրամիջոցը ստանալով և Հրազդան քաղաք փոխադրելու եղանակով հանցագործության կատարման համար խոչընդոտները վերացնելով, փորձել է օժանդակել Խաժակ Թովմասյանի կողմից առանց իրացնելու նպատակի առանձնապես խոշոր չափերով թմրամիջոցներ սպորինի ձեռք բերելուն, սակայն իր կամքից անկախ հանգամանքներով հանցագործությունն ավարտին չի հասցրել, քանի որ Եղեգնաձոր քաղաքում բռնվել է ՀՀ ԱԱԾ աշխատակիցների

կողմից, ինչի արդյունքում նշված ավարտներենայի բեռնախցիկում հայրնաբերվել ու վերցվել են առանձնապես խոշոր չափերի թմրամիջոցները: (...)»<sup>2</sup>:

7. Արարատի և Վայոց ձորի մարզերի առաջին ասյանի ընդհանուր իրավասության դատարանը 2024 թվականի դեկտեմբերի 16-ի որոշմամբ արձանագրել է հետևյալը. «(...) Սույն որոշման 11-14-րդ կետերում վկայակոչված իրավադրույթների և արտահայտված իրավական դիրքորոշումների հիման վրա Վճռաբեկ դատարանն արձանագրում է, որ դատարանի մատչելիության իրավունքն ունի բացառիկ նշանակություն անձի իրավունքների պաշտպանության իրավական համակարգում, ենթադրաբար խախտված իրավունքների և ազատությունների վերականգնման հիմնական նախապայմանն է, որի միջոցով է կենսագործվում դատարանի դիմելու (*locus standi*) և արդյունավետ իրավական պաշտպանություն հայցելու անձի իրավունքը: Հետևաբար դատարանի մատչելիության իրավունքի իրացմանն առնչվող դատավարական կարգավորումները դատարանների կողմից պետք է ճկուն մեկնաբանման ենթարկվեն՝ ելնելով դատարանի մատչելիության իրավունքի գերակայությունից՝ քրեադատավարական օրենքով նախատեսված ընթացակարգային առանձնահատկությունների նկատմամբ:

(...) Դատական մատչելիության իրավունքի հետ անմիջականորեն առնչվում է նաև գործերի պարզաճ ընդդատության հարցը, որի վերաբերյալ ընդհանուր բնույթի կարգավորումները նախատեսված են ՀՀ քրեական դատավարության օրենսգրքի 6-րդ գլխում: (...)»:

Վերը շարադրված իրավադրույթների և Վճռաբեկ դատարանի նախադեպային որոշումներով արտահայտված դիրքորոշումների լույսի ներքո վերլուծելով սույն քրեական գործի փաստական հանգամանքները, քննարկելով դատական նիստի ընթացքում դատավարության մասնակիցների դիրքորոշումները՝ Դատարանը եզրահանգում է, որ սույն քրեական գործն անհրաժեշտ է ըստ փարածքային ընդդատության ուղարկել Կոտայքի մարզի առաջին ասյանի ընդհանուր իրավասության դատարան՝ նկատի ունենալով, որ վարույթի մասնավոր մասնակիցներից երկու մեղադրյալները քնակվում են Կոտայքի մարզի Հրազդան

<sup>2</sup> Տե՛ս քրեական վարույթ, հատոր 5, թերթեր 248-249:

քաղաքում, իսկ միակ վկան՝ Սաիդ Ռահրարզարեն, բնակվում է Կոտայքի մարզին հարակից՝ Երևան քաղաքում, միննույն ժամանակ առկա է մեղադրյալների համաձայնությունը՝ գործն ըստ ընդդատության Կոտայքի մարզի առաջին արյանի ընդհանուր իրավասության դատարանի նախնական քննության ակտով:

Հետևաբար, Դատարանը եզրահանգում է, որ անհրաժեշտ է փոխել քրեական գործի փարաօքային ընդդատությունը և այն ուղարկել Կոտայքի մարզի առաջին արյանի ընդհանուր իրավասության դատարանին (...):»:

7.1 Արարատի և Վայոց ձորի մարզերի առաջին ատյանի ընդհանուր իրավասության դատարանը որոշում կայացնելիս ղեկավարվել է ինչպես 1998 թվականի հուլիսի 1-ին ընդունված ՀՀ քրեական դատավարության օրենսգրքի 41-րդ և 50-րդ, այնպես էլ 2021 թվականի հունիսի 30-ին ընդունված ՀՀ քրեական դատավարության օրենսգրքի 7-րդ, 23-րդ, 33-րդ, 261-րդ, 263-րդ և 314-րդ հոդվածներով<sup>3</sup>:

8. Կոտայքի մարզի առաջին ատյանի ընդհանուր իրավասության դատարանը 2025 թվականի հունվարի 13-ի որոշմամբ արձանագրել է հետևյալը. «(...) ՀՀ քրեական դատավարության օրենսգրքի 261-րդ հոդվածի 5-րդ մասի համարեքսպրումը դիտարկելով «Քրեական գործն ըստ ընդդատության ուղարկելու մասին» Արարատի և Վայոց ձորի մարզերի առաջին արյանի ընդհանուր իրավասության դատարանի 2024 թվականի դեկտեմբերի 16-ի որոշումը, գրնում եմ, որ թիվ ԱՎԴ4/0051/01/21 քրեական գործի փարաօքային ընդդատությունը փոխվել և վարույթը Կոտայքի մարզի առաջին արյանի ընդհանուր իրավասության դատարանի փոխանցվել չէր կարող, քանի որ որոշման կայացման պահին վարույթի մասնավոր մասնակիցներից միայն երկու մեղադրյալների բնակության վայրն է հանդիսացել Կոտայքի մարզը, իսկ վարույթի մասնավոր մասնակից բոլոր երեք պաշտպանները և վկան բնակվել են Երևան քաղաքում:

Վերոգրյալի պայմաններում ակնհայտ է, որ «Քրեական գործն ըստ ընդդատության ուղարկելու մասին» Արարատի և Վայոց ձորի մարզերի առաջին արյանի ընդհանուր իրավասության դատարանի 2024 թվականի դեկտեմբերի 16-ի

<sup>3</sup> Տե՛ս վարույթի նյութեր, հատոր 9, թերթեր 30-37:

որոշման կայացման պահին Կոտայքի մարզը հանդիսացել է միայն քրեական գործով մասնավոր մասնակից երկու մեղադրյալների բնակության վայրը, ինչը նշանակում է, որ Կոտայքի մարզը չէր կարող գնահատվել որպես վարույթի մասնավոր մասնակիցների և վկաների մեծամասնության բնակության վայր, իսկ թիվ ԱՎԴ4/0051/01/21 քրեական գործը չէր կարող ըստ տարածքային ընդհանրության փոխանցվել Կոտայքի մարզի առաջին ատյանի ընդհանուր իրավասության դատարան: (...)<sup>4</sup>:

**Վճռաբեկ դատարանի քրեական պալատի հիմնավորումները և եզրահանգումը.**

9. Սույն վարույթով բարձրացված իրավական հարցը հետևյալն է. հիմնավոր է արդյո՞ք Արարատի և Վայոց ձորի մարզի առաջին ատյանի ընդհանուր իրավասության դատարանի կողմից թիվ ԱՎԴ4/0051/01/21 քրեական վարույթի տարածքային ընդհատությունը փոխելու և քրեական վարույթը Կոտայքի մարզի առաջին ատյանի ընդհանուր իրավասության դատարան փոխանցելու մասին որոշումը:

Նախքան հիշյալ իրավական հարցին անդրադառնալը, Վճռաբեկ դատարանի քրեական պալատը, հաշվի առնելով, որ թիվ ԱՎԴ4/0051/01/21 քրեական վարույթը վերաբաշխվել է 2022 թվականի հուլիսի 1-ից հետո, արձանագրում է, որ սույն վարույթի տարածքային ընդհատության հարցը լուծելիս կիրառելի են 2021 թվականի հունիսի 30-ին ընդունված ՀՀ քրեական դատավարության օրենսգրքի՝ ընդհատության վերաբերյալ իրավակարգավորումները:

10. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

11. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի

<sup>4</sup> Տե՛ս վարույթի նյութեր, հատոր 9, թերթեր 41-43:



առնչությամբ, ունի օրենքի հիման վրա սրեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:

11.1. Մարդու իրավունքների եվրոպական դատարանը, «օրենքի հիման վրա սրեղծված դատարան» հասկացությունը մեկնաբանելիս նշել է. «Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապատասխան ազգային օրենսդրությունը մեկնաբանելու որոշակի ազատությամբ»<sup>5</sup>:

Միննույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ «Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»<sup>6</sup>:

12. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ «(...) Գործերի պարշաճ ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա սրեղծված դատարան ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

<sup>5</sup> Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

<sup>6</sup> Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

*Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հստակ կանոնների առկայությունը և դրանց կանխարեւելի գործադրումն անհրաժեշտ պայման են կողմնակի դիտորդի մոտ այնպիսի համոզմունք ձևավորելու համար, որ տվյալ կոնկրետ քրեական գործը քննող դատարանը և դատավորը նախատրամադրվածություն չունեն, և տվյալ գործը վարույթ ընդունելիս սուբյեկտիվիզմն ու կամայակայությունը բացառված են եղել:*

*Այսպիսով, քրեական գործերի ընդդատության որոշման հստակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պատշաճ երաշխավորման համար (...)*<sup>7</sup>:

13. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Այդ չափանիշների հիմքում ընկած է ոչ թե իրավակիրառների սուբյեկտիվ հայեցողությունը, այլ քրեական վարույթի օրենքով սահմանված օբյեկտիվ հատկանիշները, որոնց առկայությունն էլ թույլ է տալիս արձանագրել տվյալ դատարանի՝ այդպիսին հանդես գալու իրավունքն այդ վարույթով: Միաժամանակ, ընդդատության կանոնները կոչված են անձին գերծ պահելու դատական շրջապատույտից, որը կարող է առաջանալ, եթե դատարանները հրաժարվեն գործը վարույթ ընդունել իրենց ընդդատյա չլինելու պատճառաբանությամբ:

14. ՀՀ քրեական դատավարության օրենսգրքի 261-րդ հոդվածի 5-րդ մասի համաձայն՝ *«Տարածքային ընդդատությունը բոլոր մեղադրյալների համաձայնությամբ կարող է փոխվել, եթե վարույթի մասնավոր մասնակիցների և վկաների մեծամասնությունը բնակվում է առաջին արյանի մեկ այլ դատարանի դատական տարածքում: Ընդդատությունը փոխելու որոշումն ընդունում է մեղադրանքը քննող դատարանը»:*

<sup>7</sup> Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

Նույն օրենսգրքի 263-րդ հոդվածի համաձայն՝ «(...) 4. Վարույթն ըստ փարածքային ընդդատության սրացած առաջին ատյանի ընդհանուր իրավասության դատարանը մինչև նահանական դատախազներ նշանակելը եռօրյա ժամկետում որոշում է կայացնում վարույթը Վճռաբեկ դատարանի քրեական պալատի նուղարկելու մասին, եթե համաձայն չէ վարույթի փարածքային ընդդատությանը:

(...)

7. Սույն հոդվածի 4-րդ մասով նախատեսված դեպքում Վճռաբեկ դատարանի քրեական պալատը վարույթը Վճռաբեկ դատարանում սրանալու պահից հնգօրյա ժամկետում վերջնականապես լուծում է վարույթի փարածքային ընդդատության հարցը: (...):»:

14.1. Անհրաժեշտ է ընդգծել, որ ընդդատությունը փոխելու վերոնշյալ հայեցողական լիազորությունը կարող է **գործադրվել բացառիկ դեպքերում**, երբ **բավարար փաստական տվյալների վկայակոչմամբ համոզիչ կերպով կհիմնավորվի** ընդդատությունը փոխելու՝ օրենսդրի կողմից առաջադրվող պայմանների առկայությունը, ինչպես նաև քրեական վարույթի տարածքային ընդդատությունը փոխելու անհրաժեշտությունը՝ արդարադատության շահի տեսանկյունից: Հետևաբար, այս նորմը պետք է մեկնաբանվի ընդդատության հիմնարար արժեքի իրավական նշանակությանը համապատասխան, այն չպետք է ենթարկվի լայն մեկնաբանության և հիմք հանդիսանա առերևույթ կամայականության համար:

15. Սույն վարույթի նյութերի ուսումնասիրությունից երևում է, որ՝

- մեղադրյալներ Խ.Թովմասյանը և Հ.Մուրադյանն իրենց համաձայնությունն են հայտնել, որպեսզի քրեական վարույթի տարածքային ընդդատությունը փոխվի և վարույթը փոխանցվի Կոտայքի մարզի առաջին ատյանի ընդհանուր իրավասության դատարան<sup>8</sup>:

- Արարատի և Վայոց ձորի մարզերի առաջին ատյանի ընդհանուր իրավասության դատարանը, փաստելով, որ մեղադրյալները բնակվում են Կոտայքի մարզի Հրազդան քաղաքում, վկա Սաիդ Ռահբարզարեն բնակվում է Կոտայքի

<sup>8</sup> Տե՛ս վարույթի նյութեր, հատոր 9, դատական նիստի արձանագրություն, թերթեր 28-29/1:

մարզին հարակից՝ Երևան քաղաքում, ինչպես նաև այն, որ մեղադրյալներն իրենց համաձայնությունն են հայտնել վարույթի տարածքային ընդդատությունը փոխելու վերաբերյալ, որոշում է կայացրել քրեական վարույթի տարածքային ընդդատությունը փոխելու և վարույթը Կոտայքի մարզի առաջին ատյանի ընդհանուր իրավասության դատարան փոխանցելու մասին<sup>9</sup>:

- Կոտայքի մարզի առաջին ատյանի ընդհանուր իրավասության դատարանն իր անհամաձայնությունն է հայտնել քրեական վարույթի տարածքային ընդդատությունը փոխելու վերաբերյալ Արարատի և Վայոց ձորի մարզերի առաջին ատյանի ընդհանուր իրավասության դատարանի որոշմանը՝ արձանագրելով, որ մեղադրյալների բնակության վայրը՝ Կոտայքի մարզն է, իսկ երեք պաշտպանների և վկայի բնակության վայրը՝ Երևան քաղաքը, հետևաբար Կոտայքի մարզը չէր կարող գնահատվել որպես վարույթի մասնավոր մասնակիցների և վկաների մեծամասնության բնակության վայր<sup>10</sup>:

16. Սույն վարույթի փաստական հանգամանքները գնահատելով վերը վկայակոչված իրավադրույթների և իրավական դիրքորոշումների լույսի ներքո՝ Վճռաբեկ դատարանի քրեական պալատը փաստում է, որ Արարատի և Վայոց ձորի մարզերի առաջին ատյանի ընդհանուր իրավասության դատարանը, քրեական վարույթի տարածքային ընդդատությունը փոխելիս և վարույթը Կոտայքի մարզի առաջին ատյանի ընդհանուր իրավասության դատարան փոխանցելիս, չի պահպանել ՀՀ քրեական դատավարության օրենսգրքի 261-րդ հոդվածի 5-րդ մասի պահանջները: Մասնավորապես, սույն քրեական վարույթի նյութերի ուսումնասիրությունից երևում է, որ մեղադրյալներ Խ.Թովմասյանի և Հ.Մուրադյանի բնակության վայրն է Կոտայքի մարզը, վկա Ս.Ռահբարզարեի բնակության<sup>11</sup> և պաշտպաններ Վ.Հովհաննիսյանի, Վ.Գևորգյանի և Ս.Խչեյանի գործունեության վայրն է Երևան քաղաքը<sup>12</sup>: Այլ կերպ, վարույթին ներգրավված են թվով վեց մասնավոր մասնակիցներ և վկաներ, որոնցից միայն երկուսն են բնակվում Կոտայքի մարզում: Հետևաբար, չի հաստատվում, որ սույն վարույթի մասնավոր

<sup>9</sup> Տե՛ս սույն որոշման 7-րդ կետը:

<sup>10</sup> Տե՛ս սույն որոշման 8-րդ կետը:

<sup>11</sup> Տե՛ս վարույթի նյութեր, հատոր 5, թերթ 291:

<sup>12</sup> Տե՛ս վարույթի նյութեր, հատոր 9, թերթեր 14 և 15:

մասնակիցների և վկաների մեծամասնությունը բնակվում է Կոտայքի մարզի առաջին  
ատյանի ընդհանուր իրավասության դատարանի դատական տարածքում: Նման  
պայմաններում Վճռաբեկ դատարանի քրեական պալատը փաստում է, որ ՀՀ  
քրեական դատավարության օրենսգրքի 261-րդ հոդվածի 5-րդ մասով սահմանված՝  
քրեական վարույթի տարածքային ընդդատությունը փոխելու օրենսդրական հիմքը  
բացակայում է:

17. Ամփոփելով՝ Վճռաբեկ դատարանի քրեական պալատն արձանագրում է, որ  
Արարատի և Վայոց ձորի մարզերի առաջին ատյանի ընդհանուր իրավասության  
դատարանի կողմից թիվ ԱՎԴ4/0051/01/21 քրեական վարույթի տարածքային  
ընդդատությունը փոխելու և քրեական վարույթը Կոտայքի մարզի առաջին ատյանի  
ընդհանուր իրավասության դատարան փոխանցելու մասին որոշումը հիմնավոր չէ:

Վերոգրյալի հիման վրա և ղեկավարվելով ՀՀ քրեական դատավարության  
օրենսգրքի 263-րդ հոդվածի 7-րդ մասով՝ Վճռաբեկ դատարանի քրեական պալատը

**Ո Ր Ո Շ Ե Ց**

Թիվ ԱՎԴ4/0051/01/21 քրեական վարույթն ըստ ընդդատության ուղարկել  
Արարատի և Վայոց ձորի մարզերի առաջին ատյանի ընդհանուր իրավասության  
դատարան:

Նախագահող՝	_____	<u>Հ.ԱՍԱՏՐՅԱՆ</u>
Դատավորներ՝	_____	<u>Ս.ԱՎԵՏԻՍՅԱՆ</u>
	_____	<u>Հ.ԳՐԻԳՈՐՅԱՆ</u>
	_____	<u>Լ.ԹԱԴԵՎՈՍՅԱՆ</u>
	_____	<u>Ա.ՊՈՂՈՍՅԱՆ</u>